

- 30 Mo quest ei guess la capara  
De vera fideivladat.  
Quellas larmas, che muentan  
Fetg savens era las mias,  
Quei rugar e quellas tias  
35 Zun caras empermischuns,  
Che dil cor rivavan;  
Pertgei Ti eis adina stada  
Fideivla senza inagada  
Duvrar faulsadat cun mei.  
40 Pia sch' eis ei negin prighel,  
Che Ti seigies malstateivla;  
Che Ti seigies buc fideivla,  
Sai jeu buc schar dar el sen.  
Seigies per cuminas tuttas,  
45 Adina era malstateivlas;  
Esses faulsas e buc fideivlas,  
Tei soleta prend' jeu o.

## 2.

- Ti eis ina zechtia juventschala,  
Sche gie buc real schi biala;  
Ils duns dil spert fan biala Tei,  
Ventira vegnies haver vonzei.  
5 Ti fas de losch e zun de fin,  
Sco sch' Ti buessess buca vin;  
Mo vidavos lu tut dascus  
Buesses or in quart ne dus.  
En biala stiv' eis Ti adina,  
10 Leu Ti vegnas gnir cumina;  
Lemprim' eis Ti e la davosa,  
Pauc bien de Tei ver speronza poss.  
Utschals barsai e cuschinai  
A Ti munglassen star semtgiai;  
15 Migliar bien quei lesses Ti  
E far sacrau er mitgadi.  
La glient Ti salvas pecadus,  
Il bien Ti maglias a discus;